

龍溪縣志卷之七

壇廟

類造禋祭皆制也祈福祥遠臯疾於是乎舉之至後世崇德報功之典乃益隆然其禮重且嚴歲太常所頒亦無濫焉若夫桐鄉畏壘之屬生則尸祝之歿則俎豆之與夫士大夫歿而祭於社者雖制所不及而可以永民思而作民敬非徒舉之莫敢廢也志壇廟

社稷壇在郡城西門外明洪武三年知府潘琳建正統九年僉事陳祚脩成化十年圯於水十六年知府姜

龍溪縣志卷之七

壇廟

諒嘉靖二十九年同知龍遂相繼脩建三十年知府廬壁復侵地而垣其上後垣圯

國朝乾隆二十六年知縣吳宜燮重繚之壇制北向縱橫二丈五尺高三尺四出陛各三級闢四門旁設神庫神厨宰牲房齋宿所立石主長二尺五寸方一尺於壇南正中又置木主二歲春秋仲月上戊日致祭祭畢仍奉木主於庫龍溪附府致祭不別為壇以下各壇同

風雲雷雨山川城隍神壇在郡城通津門外創始脩建與社稷壇同嘉靖閒知府廬壁重脩壇制南向縱橫各二丈五尺階級門垣厨庫如社稷制設神位三中

風雲雷雨之神左境內山川之神右府城隍之神歲
春秋仲月上巳日致祭

先農壇在二十六都

國朝雍正五年

勅建壇制高二丈一尺寬二丈五尺先農神牌高二尺
四寸寬六寸壇之正北中一室奉先農神牌東房貯
祭器農具西房貯籍田米穀東配房置祭品西配房
給看守農戶外繚以垣門南向籍田制四畝九分歲
仲春亥日致祭禮畢耕籍田道府縣秉耒佐貳執耒
箱播種耆老一人牽牛二人扶犁九推九及農夫終

龍溪縣志

卷之七

壇廟

二

畝農具用赤色牛黑色箱青色耔種以土之所宜
八蜡不別爲壇卽先農壇祀之其制先嚮司嚮居正
位東上餘六神稍後一尺分設左右歲十二月上戊
日致祭

厲壇在郡城北郊明洪武三年知府潘琳建正統開燬
於寇成化閒重脩復圯嘉靖開推官李日森脩建里
人黃棟捐右偏田園以補其缺歲清明中元十月朔
致祭先期牒告城隍祭之日迎神於壇主之

國朝
康熙四

十七年里人陳宸綸於
壇邊募建祀魂堂一所

同歸所壇在南門外歲以清明中元致祭

國朝順治
九年海寇圍

郡城少載餓死甚眾及解圍男女暴得食斃者尤多里人李耀宗等捐貲同僧聞曉遍收遺骸約七十餘萬火葬於此仍置祀壇壇前建菴曰萬善十一年漳大旱有司親臨致禱得雨因詳定春秋二祭龍溪縣之主

孔氏家廟在城西隅宋建炎間孔子五十五世孫任率

其子克權避兵入漳遂家焉明正德四年給裔孫篤

堯衣巾主觀瀾書院祀後私創書院有禁裔孫天從

赴闕陳奏准改書院為家廟天啓五年巡按姚應嘉

脩

國朝雍正十三年重脩

武廟在開元街右舊在芝山麓明萬歷閒總兵官呼良

龍溪縣志

卷之七

壇廟

三

明改建今所天啓元年脩

國朝乾隆四年重脩知縣李芬建廟右官廳二十六年

巡海道張惟寅知府蔣允焄知縣吳宜燮葺而新之

一在石碼駐防通判行祀典禮一在城登仙宮保雍正八年知府楊一正重建一在赤嶺順治閒昭武將軍提督楊捷重建一在磁窰康熙十三年寇攻土堡設雲梯三日夜忽見馬上綠衣人往來處梯輒仆寇大駭遁去乾隆二十一年重脩餘不悉載

關氏三公廟

國朝雍正五年

勅封忠義神武關聖大帝曾祖光昭公祖裕昌公父成

忠公設牌于後殿歲春秋二仲月吉日及五月十三

日致祭

府城隍在府治東龍溪附郭不立別廟

旗纛廟舊在衛治之北明正統十年僉事陳祚重脩其

制築臺立廟中設軍牙六纛神位

國朝裁各衛所廟遂廢霜降日鎮防官設祭於演武亭

天后廟在西隅明時建

國朝康熙十九年平定臺灣神湧潮濟師

勅封天妃三十年封天后五十九年

特予春秋致祭乾隆八年巡道陳樹著署府張廷球擴

地改建未就十三年巡道單德謨成之二十五年知

龍溪縣志

卷之七

增廟

四

府蔣允焄知縣吳宜燮重加脩建

埋外餘地附築店屋三間以充廟費

龍王廟在郡城西門外西教場

國朝乾隆二十二年汀漳龍道楊景素建里人鄭蒲董

其事

倉王廟在西隅倉河墘

名宦祠

鄉賢祠

俱詳見學校

忠義孝悌祠在西隅虎文山側祀唐陳珣宋黃槩顏衮

鄭柎陳玠陳諤元胡景清陳元善蕭景懋明鄭鼎蔡

春溶楊履園王彝郭秉敦黃宗繼邱子能郭俊方安

榮方霄錫唐孟元唐孟遠周玉質陳孔志林以靖黎
時中黎應昌侯鑑李誠之蘇元芳林逸蕭舉蔡豸李
俊紀孚兆郭照嚴景愛莊伯和

國朝黃翼黃明陽黃明陞黃明陞黃廷錦黃廷鑑黃廷
鈺黃廷銓黃廷鎮黃廷鑰黃廷鏞黃廷錡黃廷鏘黃
廷鏗黃廷釗黃廷鋈黃廷鎡黃廷鎣黃廷欽黃啓周黃啓山

鄭埏郭銓

節孝祠在西南隅新路頂

中所祀姓氏詳見列女傳及坊表茲不具載

威惠廟在北門外宋建炎四年建祀唐刺史陳元光元

光自五代暨宋累封靈著順應昭烈廣濟王淳祐間

龍溪縣志

卷之七 壇廟

春秋致祭明改封為昭烈侯正統間僉事陳祚景泰

閒知府馬嗣宗謝騫成化閒知縣李榮相繼脩嘉靖

二十九年知府盧壁重修改廟左多景樓為攬勝樓

祭租始於宋淳熙閒章大任撥廢寺田隸於廟嘉靖

二十七年知縣林松查出前項田租地稅共銀三百

六十三兩三錢二分除充辦本廟祭儀等項外餘撥

入府縣學給貧生林去未幾民復佔三十三年提學

道朱衡復委漳平知縣劉鑄查出威惠廟田園七莊

實在稅穀九百三十一石九斗五升五合八勺折銀

一百八十六兩二錢二分九釐一毫六絲帶民米三

十三石一斗八升二勺又租銀金錢共折銀一百三
十八兩九錢八分五釐共銀三百二十五兩二錢四
釐一毫六絲除給廟墓等祭及納縣學倉本折米外
以餘銀一百四十兩五錢九分四釐一毫給府學一
百一十兩給縣學以濟貧生等用仍刊書冊曰惠民
田圖

國朝乾隆二年知府童華脩又新其後室置木主五祀

其父玉鈐衛左郎將政及子珦孫艷曾孫謨祭以春

秋上戊日儀禮與社稷同一在松州石鼓山唐貞元間建

朱子祠在芝山之陽宋淳祐六年郡守方來建額其堂

曰道原通判徐明叔為記以陳淳配元大歷閒又以黃幹配

明成化四年僉事周謨知府王文重建副使何喬新為記正

德五年知府陳洪謨重建三山林澗為記嘉靖三十年知府

孫裕闢新路立碑路口十九年御史王英脩葺僉事侯廷

訓為隆慶五年知府羅青霄重脩主事鉉為記

國朝海澄公黃梧募建尋燬康熙十七年通判胡宮鼎

龍溪縣志 卷之七 壇廟 六

建額其堂曰問學里人柯願為記四十七年以王遇配歲以

春秋二仲月次丁致祭五十五年復以陳真晟配在

縣學大成殿東今廢一在十二三都白雲巖里人唐朝

任勤保田裡港等處一在二十一在二十二都建溪書院乾隆

治間里人林朝脩一在二十七都雲洞一在二十八都紫陽書院祀田大沙洲餘不悉載

陳北溪祠在郡城西北舊光孝院地祀先儒北溪陳公

淳成化九年僉事林克賢同知蔣濬建十七年知府

姜諒塑像其中提學副使周孟中為記弘治五年戶部左侍郎

吳原申疏請賜祠額

國朝乾隆二十七年重脩以春秋二仲月次丁致祭

黃勉齋祠在登高山麓之左初無專祠元泰定間本路
學錄幹七世孫元淵建龍江書院祀朱子以幹侑食
明正德五年提學副使楊子器知府陳洪謨始建祠
郡人林魁爲記歲以春秋二仲月次丁致祭

王東湖祠在郡城東門外明嘉靖間提學副使邵銳知
府陸金建祀先儒東湖王公遇歲以春秋二仲月次
丁致祭

文信公祠在陳北溪祠之西明嘉靖八年僉事謝汝儀
知府陸金從里人蔡烈之請卽養正書院舊蹟建祠
祀宋丞相信國公天祥天祥嘗駐軍於漳故祀之
新撥

龍溪縣志

卷之七

壇廟

七

墾田租三十七石以供
祭祀四明豐熙爲記

表忠祠在郡城東門外明成化五年副使何喬新知府
王文建祀元達魯花赤迭理彌實仍復其家之士田
侵沒者凡百餘畝以供祀事嘉靖元年知府張鵬立
石坊於祠前

國朝雍正九年以子吏部尙書曾顏帖木兒祔儀禮與
諸祠同

雙節廟在城東門外祀元萬戶府知事闕文興及妻王
氏歲以春秋二仲月致祭文興與妻王氏死難事聞
封文興英毅侯王氏貞烈夫人至順三年有司爲立

廟號雙節揭奚斯為記明正統九年僉事陳祚重脩十四

年燬於寇景泰四年知府謝騫重脩里人鄭成化間

知府姜諒重脩弘治間知府汪鳳重建和為記

王忠文祠在西隅龍文山新路頂久廢神主附在祀明

王公禕置田二十餘畝在二十九都春秋致祭壬辰

出原田官丈十餘畝歸學收掌一在芝山麓明崇禎間建漳浦黃道周為記

布衣祠在開元寺旁祀里人陳公真晟今廢就府鄉賢

祠致祭一在二十八都定山

陳黃二公祠在芝山朱子祠東祀明漳州教授陳公思

賢大學士黃公道周

龍溪縣志卷之七壇廟

國朝乾隆十一年知府金溶倡建前後二堂前祀思賢

以吳性原陳應宗林珏鄒君默曾廷瑞呂賢配後祀

道周以趙士超毛玉潔顏繼謹蔡春溶配紳士鳩金

年收息銀七兩六錢零以為春秋祭享之費按陳公思賢舊有專祠在府學前今廢

旌忠祠在縣南上坂祀明中丞海澄周公起元起元以

忤魏璫死崇禎元年贈兵部侍郎諡忠愍特祠建坊

春秋致祭知府施邦曜為記

國朝康熙四十六年重脩巡海道宋致為記

陳忠毅祠在東門外赤嶺祀叅議陳啓泰耿精忠之變

啓泰為巡海道與妻劉氏及女並婢妾等二十餘人

皆自經事聞贈資政大夫工部右侍郎諡忠毅建祠
特祀春秋致祭乾隆六年巡道陳樹著重建

以上俱列祀典

圖將軍祠在二十六都赤嶺祀固山額真圖海舊在郡
城東門外

國朝順治閒圖海入漳征戰有功建祠祀之後燬康熙
五十三年知府魏荔彤改建今所

崇德祠在赤嶺康熙閒建祀總督李率泰姚啓聖祠前
立二石碑鐫二公平海大捷處

清茗書院在西南隅康熙閒建祀督學沈涵

龍溪縣志

卷之七

壇廟

九

蔡公祠在馮棚街正德閒建祀巡道蔡潮康熙閒復以
巡海道陳啓泰併祀

姜公祠原在城中丙申橋明弘治十五年建祀知府姜
諒今移南廂大路頂

鍾公祠在雙門街正德閒建祀知府鍾湘後燬於火崇
禎閒知府施邦曜重建

閔公祠在府學宮左萬歷閒建祀知府閔夔得

一在東門外

衛公書院在東廂嶽口康熙閒建祀知府衛台揆

汪公祠在元妙觀東初和明知縣汪宗友

國朝康熙三十一年增祀知府汪世印

一在東嶽廟左

懷德書院在縣右康熙二十七年建祀知縣線應彩
郭龍湖祠在明倫堂東萬歷開建祀儒學教諭郭長發
昭武將軍祠在赤嶺乾隆二十七年建祀提督楊捷

以上諸祠今存

中州書院在東門外康熙開建祀提學御史楊篤生
宋公書院在東廂康熙開建祀按察使宋致

甘公書院在東廂康熙開建祀海道甘國基今廢為接

官亭

阿公書院在東門外康熙開建祀巡海道阿琳

張何二公祠在學院署後祀明巡按御史張應揚何淳

龍溪縣志

卷之七

壇廟

十

之今尚存一區餘充學院行署遺像附元妙觀

費公祠在東門外萬歷開建祀分守道費堯年

鄒公祠在東門外萬歷開建祀分守道鄒墀

邵顧二公祠在東坂後街初祀知府顧四科後以海道

副使邵梗金祀

遺德祠在碩仁橋正德開建祀知府陳洪謨

盧公祠在桂林街嘉靖開建祀知府盧璧

桂公祠在達尊坊嘉靖開建祀知府桂嘉孝後以分守

道陳飛龍金祀

李公祠在開元寺萬歷開建祀知府李載陽

韓公祠在城外東南新橋萬歷閒建祀知府韓擢

方公祠在東門外萬歷閒建祀知府方學龍

施公祠在東門外二十里鎮門崇禎閒知府施邦曜有
築鎮城禦寇功郡人建祠祀之今廢為真人廟傍有
邦曜像存焉

蔡端明祠初在雙門內即宋軍事判官署也蔡襄嘗為
是官自題云乾德六年三月十二日建景祐元年歲
次甲戌九月丁亥朔十九日乙巳重換蔡襄書三十
三字襄手書也郡人即改署為祠祀之後遷於懷恩
門外朱子嘗脩禮謁

龍溪縣志

卷之七

壇廟

七

許公祠在芝山之左嘉靖閒建祀同知許鑰

鄭公祠在東門外萬歷閒建祀同知鄭堯章

尹公祠在城內西沔萬歷閒建祀推官尹瑾

聶公祠在東門外萬歷閒建祀推官聶應科

龍公祠在東門外萬歷閒建祀推官龍文明

王公祠在東門外萬歷閒建祀推官王世仁

范公祠在東嶽廟街萬歷十六年建祀知縣范鳴謙

沈公祠在東郭萬歷十六年建祀知縣沈昌期一在二
十八都

鳥礁

王公祠在縣前龍文山萬歷二十年建祀知縣王士昌

管公祠在東門外萬歷開建祀署知縣管楮

呂公祠在東門外萬歷開建祀知縣呂純如

蔣陸二公祠在東門外萬歷開建祀知縣蔣良鼎陸崇禮

四縣主祠在華封祀明知縣林松計芮楊廷詔劉鴻嘉

查舊志知縣無計芮今從祠碑

以上諸祠俱廢

南臺廟在郡城西濠祀漢閩越王無諸漢高帝五年詔

閩粵王受冊封於南臺故以名廟

淳祐志作武濟廟嘉定丙子郡人黃

泰亨與進士程桂劉旦始作廟西濠一在錦江北埭

龍溪縣志

卷之七

增廟

主

三先生祠在二十六都祀元釋褐第一黃思永明都御

史劉駟布衣陳真晟

師臣家廟在十一都明隆慶庚午御史陳紹穆建祀鄭

紀善深道

楊副使祠在十二三都祀貴州副使楊聯芳明天啓七

年鄉人以其有功於民為立祠焉

忠勇王祠在東廂祀海澄公加贈王爵黃芳度

以上諸祠今存

周先生祠在城南名第山祀唐進士周匡物

郡城及學宮俱有祠

七賢堂在縣學內宋嘉定開令江叔豫建祀周程張朱

五子以周匡物高登配

楊龜山祠在赤嶺明正德開里人楊表重建

蔡南溪祠在十一都祀宋儒蔡汝作

興利祠在二十九都明洪武閒知府王仲謙建祀宋進

士丁知幾知幾有開鑿官港功故祠名興利

憫忠祠在開元寺左明崇禎閒建祀廣順州知州鄭鼎

林文穆公祠在瑞竹巖祀明大學士林鈺

烈女祠在二十九都明萬歷閒建祀王以瑱未婚妻吳

氏

節婦祠在十二三都明萬歷閒建祀王霽峯妻楊氏

龍溪縣志

卷之七

壇廟

三

以上諸祠俱廢